

Broj: 02-11-2003/22-AP-3
Datum: 13.07.2022. godine

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
mr. iur. Erna Merdić Smailhodžić

PREDMET: Prijedlog Odluke o Izmjenama i dopunama Odluke o izvršavanju
Budžeta Grada Zavidovići za 2022. godinu, dostavlja se

U prilogu akta dostavljam Vam Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu.

Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

Predlažem da Gradsko vijeće Zavidovići Prijedlog Odluke razmatra po skraćenom postupku bez Nacrta u skladu sa članom 130. stav (1) Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 – prečišćeni tekst, 08/2014, 9/2014, 08/2018 i 8/2019).

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-11-2003/22-AP-2
Datum: 13.07.2022. godine

Na osnovu člana 7. stav 2., a u vezi s članom 1. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22) i člana 10. Privremene Statutarne Odluke Grada Zavidovići („Službeni glasnik Grada Zavidovići“, broj: 4/22), Gradsko vijeće Zavidovići na __. sjednici održanoj dana __. __. 2022. godine, donijelo je

ODLUKU

o Izmjenama i dopunama Odluke o izvršavanju Budžeta Grada Zavidovići za 2022. godinu

Član 1. (plaće i naknade)

U članu 13. Odluke o izvršenju Budžeta Grada Zavidovići za 2022. godinu („Službeni glasnik Grada Zavidovići“, broj: 11/21), mijenja se stav (3) i sada glasi: „(3) Bod za obračun plaća iznosi 1,083333.“

Član 2. (transferi u Razdjelu 13 Glava 203)

U članu 27. Odluke o izvršenju Budžeta Grada Zavidovići za 2022. godinu („Službeni glasnik Grada Zavidovići“, broj: 11/21), iza riječi: „Izdaci za rad ostalih stručnih komisija, za naknade po ugovorima i za rad savjeta Općinskog načelnika“, dodaju se riječi: „Izdaci za Kantonalni arhiv Travnik“, iza riječi: „Tekući transfer za Savez općina i gradova“, brišu se riječi: „Tekući transfer za sufinansiranje troškova rada – Agencije lokalne demokratije Zavidovići“, a iza riječi: „Tekući transfer za Savez općina i gradova“, dodaju se riječi: „Transfer za troškove projektovanja, nabavke i instaliranje videonadzora gradskog područja – opći fond“, iza riječi: „Nabavka opreme“, brišu se riječi: „Investicijsko održavanje zgrade Općine“.

Član 3. (transferi u Razdjelu 13 Glava 204)

U članu 28. Odluke o izvršenju Budžeta Grada Zavidovići za 2022. godinu („Službeni glasnik Grada Zavidovići“, broj: 11/21), iza riječi: Kapitalni izdaci – rekonstrukcija cesta i mostova – podrška kapitalnim projektima“, dodaju se riječi: „Investicijsko održavanje zgrade Grada“.

Član 4.
(transferi u Razdjelu 13 Glava 207)

U članu 31. Odluke o izvršenju Budžeta Grada Zavidovići za 2022. godinu („Službeni glasnik Grada Zavidovići“, broj: 11/21), iza riječi: „Kapitalni transfer – troškovi eksproprijacije“, dodaju se riječi: „Izdaci za nabavku poslovnog prostora“.

Član 5.
(transferi u Razdjelu 13 Glava 208)

U članu 32. Odluke o izvršenju Budžeta Grada Zavidovići za 2022. godinu („Službeni glasnik Grada Zavidovići“, broj: 11/21), iza riječi: „Izdaci osiguranja, bankarskih usluga i usluga platnog prometa“, brišu se riječi: „Izdaci za Kantonalni arhiv Travnik“, iza riječi: „Tekući transfer za provođenje LAP-a za Rome“, dodaju se riječi: „Tekući transfer za sufinansiranje troškova rada – Agencije lokalne demokratije Zavidovići“, iza riječi: „Jačanje uloge mjesnih zajednica u BiH“ i PDV“, dodaju se riječi: „Kapitalni transfer za zdravstvo – JU Dom zdravlja Zavidovići“.

Član 6.

Odluka stupa na snagu, prvog narednog dana od dana objavljivanja u „Službenom glasniku Grada Zavidovići“, a primjenjivat će se od 01.07.2022. godine.

PREDSJEDAVAJUĆA
GRADSKOG VIJEĆA

mr. iur. Erna Merdić Smailhodžić

OBRAZLOŽENJE

PRAVNI OSNOV DONOŠENJA ODLUKE

Pravni osnov za donošenje ove Odluke sadržan je u:

- članu 7. stav 2., a u vezi sa članom 1. Zakona o budžetima u Federaciji Bosne i Hercegovine („Službene novine FBiH”, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22), u kojem je navedeno da se uz budžete iz stava 1. člana 7. Zakona o budžetima u Federaciji Bosne i Hercegovine donosi zakon, odnosno odluka o izvršavanju budžeta, kojom se uređuje struktura prihoda i primitaka, te rashoda i izdataka budžeta i njegovo izvršavanje, prioriteta plaćanja, obim zaduživanja i izdavanje garancija, upravljanje dugom, te finansijskom i nefinansijskom imovinom, prava i obaveze korisnika budžetskih sredstava, ovlaštenja vlade, ministarstva finansija i ministra finansija u izvršavanju budžeta za tekuću godinu, kazne za neispunjenje obaveza, te druga pitanja vezana za izvršavanje budžeta.

RAZLOZI ZA DONOŠENJE ODLUKE

Razlog za donošenja ove Odluke je obaveza propisana članom 7. stav 2. Zakona o budžetima u Federaciji Bosne i Hercegovine za donošenje odluke kojom se uređuju sva pitanja vezana za izvršavanje budžeta.

Kako je došlo do značajne izmjene izvršenja prihoda u odnosu na plan, i kako su se prioriteta u izvršavanju rashoda značajno izmjenili, bilo je potrebno pristupiti izmjenama i dopunama Budžeta Grada Zavidovići za 2022. godinu. U skladu s Izmjenama i dopunama Budžeta Grada Zavidovići za 2022. godinu potrebno je izvršiti i izmjenu Odluke o izvršavanju Budžeta Grada Zavidovići za 2022. godinu.

ODREDBE KOJE SE MIJENJAJU

Član 13. (plaće i naknade)

- (1) Isplata bruto plaća i naknada, te naknada korisnicima prava po osnovu drugih zakona, može se vršiti samo do visine planiranih sredstava u budžetu za te namjene.
- (2) Osnovica za obračun plaće iznosi 360,00 KM.
- (3) Bod za obračun plaće iznosi 1,00.

Član 27. (transferi u Razdjelu 13 Glava 203)

Sredstva utvrđena u Razdjelu 13 Glava 203 Budžeta, pozicije: „Putni troškovi“, „Izdaci za stručnu literaturu“, „Izdaci za pirotehnička sredstva za „Ramazanski top“, „Unajmljivanje imovine, opreme i nematerijalne imovine“, „Ugovorene usluge“, „Usluge stručnog obrazovanja troškovi za obuku državnih službenika i namještenika“, „Primarna opća zdravstvena zaštita uposlenih – sistematski pregledi i dr.“, „Izdaci po osnovu ugovora o stručnom osposobljavanju bez zasnivanja radnog odnosa“, „Izdaci za rad ostalih stručnih komisija, za naknade po ugovorima i za rad savjeta Općinskog načelnika“, „Izdaci za prevoz građana u Potočare“, „Izdaci za obilježavanje državnih praznika i Dana Općine“, „Izdaci za troškove smještaja, prevoza i ishrane delegacija bratskih i prijateljskih gradova i za troškove posjete bratskim i prijateljskim gradovima“, „Izdaci za certificiranje i održavanje certifikata“, „Tekući transfer za Memorijalni centar Potočari“, „Tekući transfer za Savez općina i gradova“, „Tekući transfer za sufinansiranje troškova rada – Agencije

lokalne demokratije Zavidovići“, „Nabavka opreme“, „Investicijsko održavanje zgrade Općine“ i „Izdaci za procjenu fer vrijednosti stalnih sredstava“ koriste se prema aktima koje donosi Općinski načelnik.

Član 28.

(transferi u Razdjelu 13 Glava 204)

Sredstva utvrđena u Razdjelu 13 Glava 204 Budžeta, pozicije: „Izdaci za usluge popravki i održavanja – razvoj turizma“, „Ostale stručne usluge – vještačenje, analize, revizije, uzorkovanje i sl.“, „Izdaci za troškove pribavljanja građevinskih i upotrebnih dozvola“, „Izdaci za troškove izvršenja – Služba za upravu privrede, lokalni razvoj, infrastrukturu i međunarodnu saradnju“, „Tekući transfer za podršku projektima koji se finansiraju iz drugih izvora“, „Tekući transfer - subvencije javnim preduzećima - za učešće u finansiranju Agencije za lokalni razvoj - RAZ doo“, „Tekući transfer - subvencije javnim preduzećima - za učešće u finansiranju Regionalne ekonomske zajednice“, „Tekući transfer za subvencije privredi i za zapošljavanje“, Kapitalni transferi kantonima - izgradnja, rekonstrukcija i investiciono održavanje školskih objekata“, „Tekući transfer za sanaciju fasada zgrada kolektivnog stanaovanja u saradnji sa kućnim savjetima stanara“, „Izdaci za nabavku objekata za izletničke namjene“, „Nabavka objekata vodovoda i kanalizacije“, „Kapitalni izdaci – rekonstrukcija cesta i mostova - podrška kapitalnim projektima“, „Kapitalni izdaci za rekonstrukciju i investicijsko održavanje – iz općeg fonda“ koriste se shodno zakonu, a prema aktima koje donosi Općinski načelnik.

Član 31.

(transferi u Razdjelu 13 Glava 207)

Sredstva utvrđena u Razdjelu 13 Glava 207 Budžeta pozicije „Kapitalni transfer – troškovi eksproprijacije“, „Kapitalni izdaci za sufinansiranje nabavke geodetskog instrumenta – sa FGU Sarajevo“, koriste se na osnovu akata koje donosi Općinski načelnik.

Član 32.

(transferi u Razdjelu 13 Glava 208)

Sredstva utvrđena u Razdjelu 13 Glava 208 Budžeta pozicije „Izdaci za energiju“, „Izdaci za komunikaciju i komunalne usluge“, „Nabavka materijala“, „Izdaci za usluge prevoza i goriva“, „Izdaci za tekuće održavanje“, „Izdaci osiguranja, bankarskih usluga i usluga platnog prometa“, „Izdaci za Kantonalni arhiv Travnik“, „Izdaci za troškove provizije za prodaju administrativnih taksi“, „Izdaci za troškove štampanja administrativnih taksi“, „Tekući transfer za sufinansiranje izrade projekata i realizacije projekata sanacije ili izgradnje društvene infrastrukture u MZ (domovi, uredi) i za nabavku opreme“, „Tekući transfer JU Kulturno-sportski centar, za redovnu djelatnost i vanredne troškove“, „Tekući transfer za kulturne djelatnosti i manifestacije, bratimljenja i ostale manifestacije“, „Tekući transfer JU Kulturno-sportski centar za „Ljeto u gradu“ i „Raspjevana jesen“, „Tekući transfer Javnoj biblioteci za kupovinu knjiga i razvoj zavičajne zbirke i drugi troškovi“, „Tekući transfer za fizičku kulturu i sport“, „Tekući transfer za Nogometni klub“, „Tekući transfer za Muški rukometni klub“, „Tekući transfer za Ženski rukometni klub“, „Tekući transfer za troškove rada, korištenje i održavanje Gradske sportske dvorane i drugih sportskih terena i objekata“, „Tekući transfer za sportske manifestacije (Street basket, Vivicitta, malonogometni turniri u MZ i drugo)“, „Tekući transfer za učenike generacija osnovnih i srednjih škola“, „Tekući transfer za posebno nadarene studente – nagrada Alen Mehmedović“, „Tekući transfer za općinska takmičenja u znanju osnovnih i srednjih škola“, „Tekući transfer za podršku inkluzivne nastave“, „Tekući transfer za predškolsko obrazovanje i vaspitanje“, „Tekući

transfer za JU „Gradski dječiji vrtić“ – projekat PEACH“, „Tekući transfer za prevoz pacijenata na hemodijalizu, radioterapiju i kemoterapiju“, „Tekući transfer za finansiranje hitne medicinske pomoći i higijensko-epidemiološke djelatnosti“, „Tekući transfer za „Zdravstveni savjet“, „Tekući transfer JU „Dom zdravlja“ za liječenje i pružanje zdravstvenih usluga penzionerima“, „Tekući transfer za Centar za socijalni rad“, „Tekući transfer za jednokratne novčane pomoći nezaposlenim porodiljama“, „Tekući transfer za socijalnu zaštitu“, „Tekući transfer za hitne i vanredne pomoći socijalno ugroženim licima“, „Tekući transfer za pomoć u stambenom zbrinjavanju socijalno ugroženih kategorija“, „Tekući transfer za stipendiranje studenata“, „Tekući transfer za subvenciju troškova prevoza učenika srednjih škola koji koriste javni prevoz“, „Tekući transfer za pogrebne troškove“, „Tekući transfer za mlade“, „Tekući transfer za JU Centar za djecu i odrasle osobe s posebnim potrebama ZDK“, „Tekući transfer za podršku vjerskim zajednicama i crkvama“, „Tekući transfer za sufinansiranje troškova redovnog rada i projekata Udruženja „Mala sirena“, „Tekući transfer za podršku projektima udruženjima – nevladinom sektoru“, „Tekući transfer za sufinansiranje sigurne kuće „Medica“ Zenica“, „Tekući transfer za sufinansiranje projekata Fondacije „Mozaik“ (Fond omladinska banka)“, „Tekući transfer za OO Crveni križ“, „Tekući transfer Crvenom križu za organizovanje akcija dobrovoljnog darivanja krvi“, „Tekući transfer za MDD Merhamet“, „Tekući transfer MDD Merhamet za sufinansiranje javne kuhinje“, „Tekući transfer za UG PTSP za nabavku lijekova“, „Tekući transfer za UG „Slatki dani“ za djecu i mlade oboljele od dijabetesa za nabavku Free Style senzora“, „Transfer za pomoć u liječenju djece“, „Tekući transfer za provođenje LAP-a za Rome“, „Nabavka sistema zaštite matičnih ureda“, „Kapitalni transferi - učešće Općine sa UNDP – „Jačanje uloge mjesnih zajednica u BiH“ i PDV“, „Izdaci za obilježavanje značajnih datuma“, „Tekući transfer za branilačke populacije, tekovine OOR i antifašizam“, „Tekući transfer za sufinansiranje boračkih populacija za obezbjeđenje troškova, dokumentacije potrebne za odobrenje građenja“, „Tekući transfer za podršku integracije povratnika po ugovoru o readmisiji i ostali troškovi povratnika i raseljenih lica“, „Tekući transfer za troškove djelatnosti i finansiranja projekata za Organizaciju porodica šehida i poginulih boraca“, „Tekući transfer za troškove djelatnosti i finansiranja projekata za Udruženje RVI Zavidovići 92“, „Tekući transfer za troškove djelatnosti i finansiranje projekata za Udruženje dobitnika ratnih priznanja i odlikovanja Zavidovići, „Tekući transfer za troškove djelatnosti i finansiranje projekata za ortopedsku radionicu“, „Tekući transfer za troškove djelatnosti i finansiranje projekata za SJOB 92-95“, „Izdaci za izgradnju, sanaciju i rekonstrukciju spomen obilježja“, koriste se na osnovu akata koje donosi Općinski načelnik.

Sredstva utvrđena u Razdjelu 13 Glava 208 Budžeta pozicija „Tekući transferi mjesnim zajednicama“ koriste se za redovan rad MZ, a na osnovu akata koje donosi Općinsko vijeće.

OBRAZLOŽENJE IZMJENA

U skladu s raspoloživim sredstvima i prioritetima, prilagođena je struktura utroška po pojedinim transferima, tako da je bilo potrebno, dodati nove pozicije u Budžetu Grada Zavidovići za 2022. godinu i to: „Kapitalni transfer za zdravstvo – JU Dom zdravlja Zavidovići“, „Transfer za troškove projektovanja, nabavke i instaliranje videonadzora gradskog područja – opći fond i „Izdaci za nabavku poslovnog prostora“.

U skladu s nadležnostima Službi za upravu Grada Zavidovići bilo je potrebno brisati slijedeće transfere iz nadležnosti Stručne službe gradonačelnika: „Tekući transfer za sufinansiranje troškova rada – Agencije lokalne demokratije Zavidovići“ i „Investicijsko održavanje zgrade Općine“. U skladu s nadležnostima Službi bilo je potrebno „Tekući transfer za sufinansiranje troškova rada – Agencije lokalne demokratije Zavidovići“ prebaciti u nadležnost Službe za upravu društvenih djelatnosti, pitanja boraca i opću upravu a „Investicijsko održavanje zgrade Općine“ prebaciti u nadležnost Službe za upravu privrede,

lokalni razvoj, infrastrukturu i međunarodnu saradnju. Također je bilo potrebno brisati poziciju „Izdaci za kantonalni arhiv Travnik“ iz nadležnosti Službe za upravu društvenih djelatnosti, pitanja boraca i opću upravu i istu prebaciti u nadležnost Stručne službe gradonačelnika.


U skladu s Dogovorom Sindikalne organizacije državnih službenika i namještenika Grada Zavidovići i Gradonačelnika primijenjen je bod za obračun plaća u visini od 1,083333.




GRADONAČELNIK

doc. dr. Hašim Mujanović

Obradila:


(Amira Tadić)

Kontrolisao:


(Midhat Bajramović)

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-11-1922/22-AP-2
Datum: 01.07.2022.godine


Na osnovu člana 5. Zakona o plaćama i naknadama plaće u organima vlasti Federacije Bosne i Hercegovine (Službene novine Federacije Bosne i Hercegovine“, broj: 45/10,111/12 i 20/17) i člana 4. Odluke o plaćama, dodacima na plaću i naknade plaće zaposlenih u općinskom organu državne službe Općine Zavidovići (Službeni glasnik općine Zavidovići“, broj: 3/15 i 8/17) dana 01.07.2022 godine, između Grada Zavidovići kojeg zastupa Gradonačelnik doc.dr. Hašim Mujanović i Sindikalne organizacije državnih službenika i namještenika Općine Zavidovići koju zastupa predsjednik Kenan Hadžić, postignut je sljedeći:

DOGOVOR

o izmjeni Dogovora o visini osnovice i boda za obračun plaće za 2022.godinu broj: 02-11-2874/21-AP-2 od 01.12.2021.godine


1. Tačka 2. Dogovora o visini osnovice i boda za obračun plaće za 2022.godinu broj: 02-11-2874/21-AP-2 od 01.12.2021.godine mijenja se i glasi:
„Dogovoren je bod za obračun plaće u gradskom organu državne službe Grada Zavidovići za period počev od 01.07. - 31.12.2022. godine u visini 1,083333“.
2. Dogovoren bod se primjenjuje od 01.07.2022.godine.
3. Ovaj dogovor sačinjen je u četiri istovjetna primjerka, od koji svaka strana zadržava po dva primjerka.

SINDIKALNA ORGANIZACIJA
DRŽAVNIH SLUŽBENIKA
SLUŽBENIKA I NAMJEŠTENIKA
OPĆINE ZAVIDOVIĆI
PREDSJEDNIK SINDIKLANE


Kenan Hadžić

Broj: 59/22
Datum: 01.07.2022.godine

GRAD ZAVIDOVIĆI
GRADONAČELNIK


doc.dr. Hašim Mujanović

Broj: 02-11-1922/22-AP-2
Datum: 01.07.2022. godine



**Komisija za budžet, finansije i
ekonomska pitanja**

Broj: 01-11-2010/22-AP-3

Datum: 19.07.2022. godin

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za budžet, finansije i ekonomska pitanja na 5. sjednici održanoj dana 19.07.2022. godine, razmatrala je Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu, pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu.

2. Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu, dostavlja se predsjedavajućoj radi uvrštavanja u dnevni red sjednice Gradskog vijeća.

3. O realizaciji ovog Zaključka starat će se Stručna služba Gradskog vijeća.

ZAMJENIK PREDSJEDNIK KOMISIJE

Ernad Joldić, dipl. pravnik





Komisija za Statut i propise

Broj: 01-11-2010/22-AP-2

Datum: 19.07.2022. godine

Na osnovu člana 13, 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19, 4/21 i 4/22), Komisija za Statut i propise na 7. sjednici održanoj dana 19.07.2022. godine, razmatrala je Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu, u skladu sa zakonom i drugim propisima.

2. Prijedlog Odluke o Izmjenama i dopunama Odluke o izvršavanju Budžeta Grada Zavidovići za 2022. godinu, dostavlja se predsjedavajućoj radi uvrštavanja u dnevni red sjednice Gradskog vijeća.

3. O realizaciji ovog zaključka starat će se Stručna služba Gradskog vijeća.

PREDSJEDNIK KOMISIJE

Arnes Sinanović, dipl. pravnik

